

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1764

Bernhardus I.

[urn:nbn:de:bsz:31-295098](#)

PERIODUS IV.
SIVE
BERNHARDIANA.

C A P U T I.
BERNARDUS I.
AB A. 1372 — 1431.



§. I.

Periodum Badensis Historiae aggredior, multitudine Introitus.
& gloria rerum gestarum præ ceteris elaram.
Tribus ea superbit Marchionibus, patre, filio,
nepote, qui singuli Marchiam omnem soli rexe-
runt potenter ; nominis sui fama per orbem illu-
stres, magnitudine mentis in Annalibus noti. Bernhardum, Ja-
cobum, Carolum intelligo, qui 103. annorum epocham complent.

Hos inter omnium judicio primatum tenet Bernhardus, Bernhar-
dus I. princeps ad ardua natus ; regiminis diuturnitate & gloria avis suis

Tom. II.

I

BERNH.I.

& omnibus seculi sui Marchionibus major; dignus, qui non Marchionatum modo, sed Imperium regeret.

Regimen ejus in turbida illa tempora incidit, quibus Wenceslaus Cæsar Imperiales Civitates in Principum ordinem, Principes vicissim in Civitates commoverat. Bernhardi pater distracta quædam Marchionatus Badensis membra revocavit ad corpus. Bernhardus Hachbergensem Marchiam eidem conjunxit; quin & terras novas adjecit. His nervis instructus prudens & bellicæ indolis princeps, fratre quoque sine prole defuncto, solus Marchiam regens, in Martis theatro comparere cœpit, ut contra multiplices hostes jura sua sociosque defenderet, bellaque undique illata repelleret.

§. II.

Tutela
ejus.

Bernhardi & Rudolphi fratris ejus tutelam geslit Rupertus I. Palatinus Elector, qui jus torcularis Monasterio Albæ Dominicanorum A. 1377. tutor confirmavit. Bernhardus regimen adiens, Rudolphi fratris tutelam ad annum usque 1380. geslit, quo divisionis pactum initit cum fratre, sibique Pforzheimum atque Durlacum cum inferioribus terris retinuit; Badam cum superiori Marchia fratri relinquens; (a) qui A. 1391. extinctus, Bernhardo foli Marchiam omnem reliquit.

(a) Instrumentum divisionis non reperi. Verisimile est, divisionem eodem anno 1380. factam, quo pæcta familie inter se fratres inierunt. Legitimam etatem attigisse tum videtur Rudolphus, cuius tutelam adhuc gesserat frater A. 1379.

§. III.

Bernhardus Equestribus ludis A. 1374. Eslingæ adole-
scens interfuit. (b)

Initia
Bernha-
di.

Quadriennio post ei & Electori Palatino Spirensis Episco-
patus defensio, a Carolo IV. Imperatore, commissa est. (c)

A. 1379. Rupertus senior & junior, Otto, Stephanus,
Fridericus, Johannes & Rupertus, Palatini Ducesque Bavariae
& Bernhardus Marchio noster, suo & tutorio Rudolphi fratriss no-
mine, foedus mutui auxilii cum Civitatibus Sueviae Imperialibus,
in quinque annos Badae, die Sancti Ulrici iniverunt. (d)

Pactum
familiae
cum fra-
tre.

Unde factum, ut in magno illo VII. Rhenensium &
XXXIII. Suevicarum Civitatum foedere A. 1381. Spiræ con-
tracto, & accedente paulo post Ratisbona, in decennium renova-
to, Bernhardus & Rudolphus, Marchiones Badenses, nominatim
exciperentur; (e) nisi alteruter unam ex foederatis Civitatibus in-
juste petierit bello. (f)

Tom. II.

I 2

(b) CRUSTUS Suevicor. Annal. Part. III. Lib. V. pag. 285.

(c) SIMONIS historische Beschreibung aller Bischofße von Speyer, in Adolfo
Episcopo pag. 138.

(d) DATT. de pace publica Lib. I. Cap. 6. pag. 39.

(e) LEHMANN. in Chronico Spirensi Lib. VII. Cap. 66. pag. 747. & 748.

(f) DATT. I. c. Cap. 8. n. 12.

§. IV.

A. 1380. die Sancti Galli Heidelbergæ, inter Bernhardum & Rudolphum Marchiones, fratres, conditum est Familiae Pactum in has leges:

1. Marchionatus Badensis nunquam plures, quam duo, habent Regentes, sive maneat in statu præsenti, sive ditionibus augeatur.
2. Marchiones Regentes sint compotes mentis, animo & corpore fani.
3. Jus primogenituræ in utraque linea observetur.
4. Appanagiati singuli annuos 500. florenos accipiant.
5. Dos filiæ principis fit 6000. florenorum.
6. Alienatio terrarum prohibetur.
7. Oppigneratio earum limitatur.
8. Prohibetur, ne quid ex Marchicis terris Argentinensi aut Spirensi Episcopis, nec Comiti Wirtenbergiae vendatur; vicinorum Magnatum ne augeatur potentia.

§. V.

A&a
A. 1381.
& sq.

A. 1381. Bernhardus, cum Rudolpho fratre, Albertum de Enzberg, dictum Schuhelin, de parte sua munimenti Enzberg, reservato sibi jure aperturæ, investivit. Eodem anno Eberhardus & Ulricus filius ejus, Wirtenbergæ Comites, Bernhardo & Ru-

dolpho fratribus omnem se datus operam promiserunt, ne monumentum Straubenhart, communi ipsorum consilio destructum, restauraretur.

A. 1382. Argentinenses una cum Lüzelsteinensibus, castrum *Chatelot* in Montisbeliardi Comitatu, ob frequentes rapi-
nas, ex eo in finitos exercitas, funditus destruxerant. Ver-
gius, Burgundiæ Comes, ad quem Castrum pertinuerat, vindic-
tam sumturus, collecta magna militum manu, Dominorum de
Lüzelstein & de Vinstingen terras ferro & igne delevit. Argen-
tinenses eorumque Episcopus, Marchiones Badenses, aliique Ba-
rones, Civitates & Nobiles, junctis inter se armis, in bellum ad-
versus Comitem profecti sunt, qui, cum viribus suis diffideret, ce-
leri fuga sibi consulere, quam dubio Marti se suorumque fortunas
committere maluit. (g)

§. VI.

Eodem anno Wenceslaus Cæsar Bernhardum de Mar-
chionatu & terris, a Graba usque ad flumen Schwarzach, investi-
vit Francofurti. Feudalibus literis Castrum *Iberg* quoque inser-
tum. (h) Quin & mentio fit Provincialis Judicii, vectigalium in

Invefti-
tura
Wences-
lai Imp.

I 3

(g) KOENIGSHOV. *Chron. Cap. 5. §. 160. aliaque Chronica Mscpta Argent.*

(h) *Iberg* castrum hodie dirutum est in Marchionatu Badensi, supra Stein-
bacum.

BERNH.I.

Sellingen ad Rhenum, in vico Raftatt, in oppido Ettlingen, in Schreck ad Rhenum, ut & aliorum jurium, quæ in terris ejus ipsi competebant. Nec omitti Judæi. (i) Postiores hæ partes in literis feudalibus Caroli IV. omittæ fuerunt.

Biennio post Leopoldus, Austriae Dux, Austriaeorum in Brisgovia terrarum advocatum constituit Bernhardum. (k)

A. 1383. Bernhardus oppida Bellichheim & Bellheim, Imperii pignora, quæ jam a Rudolpho, Bernhardi patre, Elector Palatinus ante vicennium redemerat, eidem redimenda concessit, addita quoque facultate Civitatem Elpingensem (Eppingen) reluendi; (l) quam tamen A. 1424. demum Electori dimisit.

A. 1387. Wenceslaus Imperator Marchioni privilegium de non evocando indulxit; ne ministeriales ejus vel subditi in aliis, quam Marchicis Judiciis convenienterentur.

§. VII.

Bellum
cum Sue-
væ Civ-
tatibus.

A. 1388. diuturnæ Principes inter & Sueviæ Foederis Civitates discordiae eruperunt in bellum; quo durante Badenses quoque ditiones vastatae sunt. Stephanus & Fridericus, Bavariae

(i) Literæ hæ investituræ extant in Cod. Diplom.

(k) Tabularium Bada-Badenense.

(l) Electa juris publici Histor. Palat. illustrantia pag. 160. 162.

Duces, A. 1387. Salisburgensem Archi-Præfulem Pilegrinum, memoratas ob Civitatum cum Principibus lites, captivum tenuerunt. (l) Civitatibus autem, Pilegrini sociis, cum quoque damna inferrent, fœderatæ per Sueviam, Bavariam & Franconiam Civitates, communicato cum Rhenensibus consilio, Bavariæ Ducibus eorumque sociis bellum denuntiarunt. (m) Præci-
puus turbarum auctor fuit Wenceslaus Cæsar, Principibus insensus, quod de eo deponendo consilia nuper agitassent. (n) Unde non solum de patrocinio suo certas jussit esse Civitates, sed & ipse in dicto Bavariæ Ducibus bello, publice Civitatum partes amplectus est. (o) Bellum hoc in Bavaria initium ceperat, inde per Franconiam Sueviamque se extendit ad Rhenum. Rhenenses, Alsaticæ & Wetteravice Civitates, a Wenceslao excitatae, Ruperti Electoris Palatini terras invaserunt, ut ab auxilio Bavariæ Ducibus ferendo eum arcerent, sed viætæ sunt à Ruperto Civi-

(l) AVENTIN. *Hist. Bojor.* Lib. VII. Cap. 22. §. 8. HUNDII *Metrop. Salisburg.* Tom. I. pag. 17. ADLZREITTER *Annal.* Part. II. Lib. VI. §. 17.

(m) De bello hoc scripsit TRITHEMIUS in *Chron. Hirsaug.* ad A. 1388.
KOENIGSHOV. in *Chron.* Cap. 5. §. 178. sqq. AVENTINUS Lib. VIII.
Chron. Mscpta Muegii aliorumque.

(n) LEHMANN. Lib. VII. Cap. 69. pag. 766. ubi literas Wenceslai exhibet,
quæ id manifeste docent.

(o) Idem l. c. pag. 756.

BERNH.I.

tatum copiae, duobus præliis; altero ad Spiram, altero ad Fran-
cofurtum commisso. In Suevia præsertim atque Bavaria, magno
animorum ardore res gesta. Vici utrimque magno numero
exusti.

§. VIII.

Pax
Egrana.

At Wenceslaus, semper animo hærens, prorita denique
Civitatum causa, transivit ad Principes. Literas dehortatorias
ad Salisburgensem Archiepiscopum dedit, (p) quem paulo ante
adversus Principes in bellum stimulaverat. Unde, confluentibus
ad Wenceslaum Principibus Civitatumque legatis, A. 1389. mense
Majo funesta Civitatibus illa Pax Egræ composita, qua rescisso
Civitatum & Principum fœdere, pax publica ad Rhenum, in Sue-
via, Bavaria, Franconia, Thuringia, Misnia, in sexennium or-
dinata, atque statutum, ut Civitates tum demum pacis hujus essent
participes, si vel amice, vel coram arbitris, ad id electis, de bello
cum Principibus transegerint. Civitates, magno ære Principi-
bus soluto, Egranae Paci accefferunt paulatim. (q) Bernhar-
dus Marchio, ipse licet non implicitus bello, damni tamen nomi-

ne

(p) Exhibet illas LEHMANNUS l. c. pag. 765.

(q) Vid. KOENIGSHOV. Cap. 5. §. 196. & LEHMANNUS in Chron. Spir.
Lib. VII. Cap. 69. pag. 767.

ne XV. mille florenos a Spirenibus postulavit. (r) Argentinienses paulo post suam quoque partem solverunt. (s)

§. IX.

Principes & Civitates, in varios districtus divisi, totidem Rhenen-paces particulares condiderunt. Ad Rhenum Moguntinus Antistes, Ruperti, Comites Palatini, Fridericus Argentinensis Episcopus, Bernhardus & Rudolphus Marchiones Badenses, cum Civitatibus Moguntia, Argentorato, Wormatia, Spira, Francofurto, Fridberga, Gelnhusa, Hagenoa, Selsa, Wisenburgo, Selestadio & Ehenhemio, peculiari formula, jurejurando firmata, mense Junio A. 1389. pacem fecerunt. Conventum quoque de numero hastiferorum, (*Gleven*) quos singuli, redigendis in ordinem turbatoribus pacis, contribuerent. Bernhardus & Rudolphus Marchiones quisque duodecim milites darent. (t)

A. 1391. Fleckensteinensibus Dynastis auxilio fuit Bernhardus contra Advocatum provincialem & civitatem Hagenensem, qui de vicis quibusdam cum Fleckensteinensibus lites alebant. (u)

Tom. II.

K

(r) LEHMANNUS l. cit.

(s) Vid. infra ad A. 1393.

(t) Instrument. exhibit WENCKER *de Ussburgeris* pag. 150.

(u) HERZOG *Chron. Alsat.* Lib. IV. Cap. 7. pag. 159.

Eodem anno Marchio noster Ruperto II. Electori Palatino concessit, ut novo Rheni alveo ad Lidolsheimum ducto, Germersheimensis oppidi ruinam præverteret. (x)

§. X.

Bellum
Argenti-
nense.

A. 1392. (y) Bernhardus novo cum Argentinensibus bello implicitus est; cuius originem & fata paucis exponam. Bruno, Rapoltsteinensis Dynasta, cui civitatis jus concederant Argentinenses, A. 1388. militem Anglum Johannem de Harleston, custodiæ mandaverat in Gemariæ Castro. (z) Rex Angliæ de liberando hoc milite literis aliquoties cum Argentinensibus egit. Bruno jure suo se usum cum pertinaciter contenderet, vimque ei inferre noluissent Argentinenses, res a Rege Angliæ ad Wenceslaum Imperatorem delata, qui civitatem indicta causa proscriptis, sententia Burglitzii data A. 1390. Dimissus e captivitate Harlestonius. Argentinenses de abolenda proscriptione Pragam miserant legatos, qui ne in conspectum quidem Regis ad-

(x) Agri tum Lidolsheimensis pars, quam WILDICH appellant, trans Rhenum rejecta.

(y) Errant Auctor Anonym. Paraleipom. *Urspergeni Chronico* additorum pag. 282. CASPAR HEDION *Chron.* pag. 598. aliique plures, qui bellum hoc ad A. 1388. referunt.

(z) Causas hujus detentionis ex Archivo Rapoltsteinensi narrat WENCKE-RUS *de Usburgeris* pag. 179. qui & alia hic spectantia documenta ex Archivo Argent. producit.

missi, re infecta domum redierunt. Sed intercedentibus Argentinensium amicis, Lambertus Bambergensis Episcopus & Worzibodus de Swimar, Advocatus provincialis Alsatiæ, a Rege nominati, A. 1391. Moguntiæ cum Argentinensibus transfegerunt, ut solutis 4500. florenis, a proscriptione liberarentur. Verum enimvero Berhardus Marchio Badensis, ut & Hachbergæ ac Saufenbergæ Marchiones, Fridericus Argentinensis Antistes, (a) Eberhardus Wirtembergæ Comes, Dux Geldriæ, Dux Juliaci, Comites Kiburgi, Leiningæ, Lüzelsteinii, Fürstenbergæ, Nassoviæ, Salmæ, Blanckenbergæ, Sarwerdæ, Dynastæ Thiersteiniæ, Bitenses, Lichtenbergenses, Geroldseckii, & offensarum primus auctor Bruno Rapoltsteinensis, aliquie longo numero socii, (b) pacem impediverunt.

§. XI.

Argentinensium dominatus in Rheno, quem firmo ponte flumini imposito, (c) præfidiisque firmato, haud ita pridem

Ejus cau-
ſæ.

Tom. II.

K 2

(a) Continuator KOENIGSHOVII apud SCHILTERUM pag. 757. auctor nobis est Episcopum Argent. ad centum membranas blancas (*Cartes blanches*) a Wenceslao impetrasse, figillo Imperiali munitas, quibus ille principes multos ad bellum excitavit.

(b) Continuator KOENIGSHOVII l. c. pag. 756. & 758. CRUSIUS *Annal.* Suevicor. Part. III. Lib. VI. p. 314. & Chronica Mptta Argent. Muegii & aliorum.

(c) Vid. infra in Rudolpho ad A. 1388.

BERNH.I.

stabiliverant, odia vicinorum adauxit; quibus periculose videbatur, quod liberum Argentinatibus esset, finitos trans Rhenum agros, quoties libuisset, aggredi & infestare impune. De vectigali non loquor; nec de veteri querela, quod exterios subditos in cives, quos Usburgeros & Pfalburgeros vocant, aliarum quoque Civitatum receperint more. Quin & ex Magnatibus plures oppignerationibus, ære alieno censibusque Civitati pridem fuerant obstricti; quæ debita bello se extincturos speraverant. Bernhardum speciatim stimulabat Selsa, majoribus ejus ab Argentinensibus ademta atque eversa; Marchionatus Badensis, in nupero inter Civitates & Principes bello per Argentinenses eorumque socios vastatus. (d)

§. XII.

Fata.

Principes ergo, junctis cum Advocato provinciali Alsatiæ copiis, A. 1392. mense Septembri inopinato Argentoratum aggressi sunt bello; positisque cis & trans Rhenum castris omnem ejus agrum ferro & igne vastarunt; velitationibus multis ad ipsa civitatis mœnia commissis. Pontem novum Rheni ab utraque fluminis parte oppugnarunt foederati. Dimissæ versus eum naves sulphure & pice ardenti refertæ, sed Argentinensium industria depulsæ. Aliae prægrandes adversus pontem actæ, pilas eversuræ, caruerunt quoque successu.

(d) Literæ Bernhardi de A. 1393. infra pag. 77. not. h.

Inter hæc Argentinenses frequentes ex urbe irruptiones fecerunt, multis hostium occisis, vel in captivitatem abductis. Quin & ipsi in Episcopi terras & Marchionatum Badensem, bis facta incursione, magna cum præda redierunt in urbem.

Eodem tempore Spanheimensis Comes & Scultetus Oppenheimensis cum Wormatiensium, Moguntinensium & Spirensium legatis Argentinam venerunt, de bello componendo tractaturi. Centum millia florenorum, inter Principes dividenda, ab Argentinensibus petebantur. Judicem litium sese obtulit Provincialis Advocatus Alsatiae: sed conditiones ab Argentinensibus rejectae. Advocatus cum parte copiarum in Bohemiam mox abiit. Marchio Badensis cum Wirtenbergico Comite aliisque foederatis, reversi sunt domum. Argentinenses, missis Pragam legatis, pacem a Wenceslao tandem obtainuerunt.

§. XIII.

A. 1393. Pax Betteleriae conclusa. Argentinenses, foli- Exitus.
tis 32000. florenis, in gratiam reducti. (e) Compensata sunt
damna durante bello illata; restituti captivi. Confirmatus Ar-
gentinensibus Rheni pons & jura ponti annexa. (f)

K 3

(e) Instrumentum extat apud WENCKERUM *de Uffburgeris* pag. 191.

(f) Peculiare Diploma Wenceslai pro ponte Rhenensi A. 1393. datum, exhibet.

IDEM l. c. pag. 197.

Dies brevi post Hagenoam indictus est, quo reliqua componerentur gravamina. (g) Comparuit inter Principes Bernhardus, & bis mille florenis ab urbe acceptis, omni, quam ante bellum intenderat, liti renunciavit. (h)

(g) DANIEL SPECKLIN *Chron. Mjpt. & HERZOG. Chron. Alsat.* Lib. IV.

p. 104. Conventum hunc Hagenensem locum habuisse tradunt. HERZOGIUS loc. alleg. exhibit literas reversales Principum & Civitatis, quibus sub poena amittendæ actionis Hagenoæ se comparituros promittunt.

(h) Instrumentum ea super re confectum die Lunæ post S. Crucem repertam in Archivo Argent. extat. In eo haec leguntur: „ Wir Bernhart von „ Gots Gnaden Marggrafe zu Baden bekennen uns offenbar und tun „ kunt menglich mit diesem Briefe, um foliche Vorderung und An- „ sprache, so Wir lange Zit an die Erbern Wisen den Meyster, den „ Rate, und an die Burgere gemeiniglich der Stat zu Strasburg ge- „ habt hant, von foliche Schaden und Übergrifs wegen, so uns und „ den unsfern u. auch unsfern Dienern von In, Irm Burgern, helffern „ und dienern mit Dotschlegen, Brande, Nome und ander Verlust „ und Schaden geschach und geschehen ist, in Unfrer Marggrafschaft, „ in unfrer Pfantschaft zu Herrenberg und zu Hochberg zu den Ziten, „ da fürsten und herrn mit In und andern Steten Krieg hatten, der „ uns doch nit angieng, - - - - und ist darum ein folich ke- „ runge mit einer Summe gelts, mit Namen zweytusend Güldin „ von In, als verre sie das eintrift, dafür worden u. bezahlt, damit „ uns gen In begnüget &c.

§. XIV.

A. 1394. Ordinis S. Wilhelmi Monachi in Valle S. Mariae prope Hagenoviam a Bernhardo Marchione in tutelam receperunt, perpetuam missam pro eo se dicturos promiserunt.

Acta

A. 1394.

& seq.

Eodem anno Johannes Conzmannus, Nicolaus Conzmannus & Conzmannus de Staffurt fratres, scripto promiserunt, se majorum suorum exemplo, in perpetuo Marchionis ejusque posterorum perstituros servitio, nec corpora sua, nec bona, ab ipsis unquam alienaturos. In omnibus quoque munimentis & castris suis, quae jam possideant & quae acquisituri sint, jus aperturæ spoponderunt Marchionibus. Ex castris his nominantur Meyenfels & Staffurt.

A. 1395. (i) Bernhardus cum Conrado Moguntino Electore, Ruperto seniore Comite Palatino & Nicolao Spirensi Episcopo, mutui auxilii foedus adversus societatem Nobilium, quam vocabant *der Schlegel*, (k) publicæ paci exitiosam, Heidelbergæ initit. (l). Föderi huic eodem anno (m) Leopoldus Austriæ

(i) Die Dominica ante Festum Pentecostes.

(k) De societate hac vid. WENCKER *de Uffburg*. pag. 98. sqq. & in *Apparatu Archiv.* pag. 249. sqq.

(l) GUDENUS Cod. Diplom. Mog. Tom. III. pag. 6. unde Ruperti Comites Palatini in fœdere, eodem anno cum Civitate Spirensi in triennium inito, Marchionem Badensem nominatim exceperunt. LEHMANN Lib. VII. Cap. 69. pag. 768.

(m) Die Saturni ante Festum S. Thomæ.

BERNH.I.

Dux, Eberhardus Wirtenbergæ Comes, pluresque Sueviæ Civitatis, Pforzheimii (*n*) acceſſerunt. Anno ſequenti nova illa Nobilium Societas periiit. (*o*)

§. XV.

Ordina-
tio mona-
ſterii Al-
bæ femi-
narum.

A. 1396. 15. Jul. Bernhardus cum Marquardo Albæ Dominorum & Alberto Gotſaviensi Abbatibus, in monaſterium Albæ seminarum ſe contulit ibique compositis, quæ dudum inter Abbatissam & Conventum agitabantur, controverſiis, novas mo- naſterio leges præſcripsit, quas mutandi, minuendi, augendive poſteſtatem fibi diſerte ſervavit. (*p*)

Paſta
Mogunti-
na.

Eodem anno feria ſexta poſt Martini Bernhardus noſter Moguntiæ Godefrido Liningeni Comiti, quem Capitulum Moguntinum in Conradi, Archiepifcopi defuncti, locum elegerat, decem millia florenorum intra proximum quadrimeſtre ſpatium mutuo ſe daturum promiſit. Summa hæc, tuendæ in Romana Curia electioni destinata, ex Gernſheimenſi telonio reſtituenda

Bern-

(*n*) WENCKER de Uſburgeris pag. 103.

(*o*) LEHMANN in Chron. Spir. l. c.

(*p*) Ordinationem hanc vide in ſcripto: Supplication pro mandato poenali &c. in Sachen Frauen Marggräfin zu Baden Baden, als Vormünderin, contra Frauen Mariam Gertrudera von Ichtersheim Abtiffin, ſo dann Priorin und Convent des Jungfrauen Clofes Frauental pag. 97.

Bernhardo. (q) At Bonifacius Pontifex Johannem Nassoviæ Comitem Archiepiscopum nominavit (r) reprobato Godefrido: unde pacta caruerunt effectu.

§. XVI.

A. 1397. feria 3. ante Dominicam Palmarum, Bernhardus ob damnum, ex Hohenbergensi Comitatu, ab officialibus Austriacis illatum, cum Leopoldo Austriae Duce, Enfishemii convenit, ut rei amice componendæ duo ab utraque parte nominarentur consiliarii, quibus inter se dissidentibus, vel Hugo Montfortii Comes, vel Johannes Lupensis, vel Fridericus de Fledenitz, superarbiter adderetur. (s)

Iisdem temporibus Bernhardus graves cum Spirensibus diffensiones alebat, quod plures ejus homines proprios, Pforzheimi atque Etlingæ habitantes, A. 1394. cives receperissent, damage in bello inter Principes atque Civitates Marchioni illata, refarcire noluissent. Res multis utrimque turbis præbuit occasionem, donec A. 1397. Rupertus senior, Elector Palatinus, suam auctoritatem interponeret.

Hic inspectis Bernhardi & Spirensium privilegiis ab Imperatore & Imperio acceptis, cum ea fibi invicem viderentur contra-

Tom. II.

L

(q) GUDENI Cod. Dipl. Mag. Tom. III. pag. 634. SERARI res Mogunt.

(r) GUDENUS pag. 623.

(s) HERRGOTT Genealog. Diplom. Gentis Aufr. Tom. III. pag. 776.

BERNH.I.

riari, Cæsar is cognitioni litem reservavit. Idem quoque egit Rupertus junior Elector, senioris filius, qui sententia A. 1398. Bruchfaliae data, declaravit, Bernhardum coram nullo alio, quam Cæsar is, Francofurtum, Heidelbergam vel alio ad Rhenum venientis, tribunali, a Spirensibus conveniri debere. His autem Wenceslaus Francofurti privilegium, de hominibus quibus cunque in gremium civitatis suæ recipiendis, eodem anno confirmavit, ita tamen, ut intra annale tempus homines proprios vindicandi Dominis salva esset potestas. (t)

§. XVII.

Paæta
cum
Eberstei-
nenibus.

A. 1399. die Lunæ post Dominicam Lætare, Bernhardus cum Comitibus Ebersteinensibus, Bernhardo & Wilhelmo fratribus, conventionem de dividendis, quæ in monasteria Reichenbach & Albam Dominorum utrisque competitabat juribus, inivit. (u)

Die in sequenti de modo administrandæ Advocatiæ monasterii Albæ Feminarum cum iisdem Comitibus transegit. (x) Margaretha Abbatissa, Ebersteinensium amita, cum monialium conventu, Marchionem & Comites eorumque successores, acceptis

(t) LEHMANN. in *Chron. Spirensi* Lib. VII. Cap. 71. pag. 769. & WENCKER
de Pfallburgeris pag. 42.

(u) Conventio hæc indicatur in scripto Bada-Badenium contra Abbatissam
& Conventum Albæ foeminarum, supra ad A. 1396. allegato, pag. 138.

(x) Transactio hæc legitur ibidem pag. 102.

nonnullis privilegiis, perpetuos Advocatos agnovit; publice professā, sine eorum consensū, neque præbendas augere, neque res & jura monasterii oppignerare aut vendere, neque ære alieno illud onerare se posse. Ad rationes etiam Marchioni & Comitibus quotannis reddendas, prioribus Advocatiæ literis abolitis, sese obstrinxit. (y)

Eodem anno die Jacobi Bernhardus cum Comitibus Ebersteinii, de litibus ratione banni ferini per Comitatum, amice convenit. (z)

§. XVIII.

A. 1401. Bernhardus ad Rupertum Palatinum, Wenceslai Regis nuper depositi, successorem Moguntiæ hærentem, misit legatos, qui de investitura cum eo agerent. Rupertus diem Marchioni constituit; quo Heidelbergæ eum se investiturum promisit. Ceremonia die Martis post D. Jacobi solenni more peracta est. (a) At literarum, a Wenceslao datarum, confirmationem constanter denegavit Rupertus; easque peculiari diplomate, eodem

Investi-
tura Ru-
pert I.
Imper.

Tom. II.

L 2

(y) Literæ hæ reversales Abbatissic & Conventus Albæ Feminarum extant in citato scripto pag. 104.

(z) Vid. Script. allegat. pag. 330.

(a) Literas investituræ, ex Tabulario Palatino depromtas, Codici Diplomatico inseruimus.

BERNH.I.

anno & die dato, irritas declaravit. (b) Perpetuarum cum Ruperto Imperatore litium Marchionis origo.

§. XIX.

Fœdus
eum Au-
relianen-
fium Du-
ce.

Eodem certe anno Italicam expeditionem quo fusceperat Rupertus, Galeacium Mediolanensi ut ejiceret Ducatu; Bernhardus non modo non abrogavit vectigalia, quæ Wenceslai liberalitate ad Rhenum acceperat, sed & cum Ludovico Aurelianensem Duce, Caroli VI. Galliae Regis fratre, qui A. 1389. Valentiam, Johannis Galeacii filiam, in matrimonium duxerat, contra Rupertum inivit consilia.

Ludovicus Wenceslao, deposito Cæsari, at hereditario Bohemiæ Regi, amicitia junctus, (c) Germanico folio eum restituere voluisset, si fuisset potentior. Jodocus, Moraviae Marchio, cum indigeret pecunia, Luxemburgicum Ducatum, contentiente Wenceslao, iisdem conditionibus, quibus a Wenceslao fratre eum acceperat, Ludovico Duci concessit. (d) Ludovicus mense Septembri ejusdem anni Luxemburgum contendens, obvium habuit Bernhardum Marchionem, qui eum una cum Lo-

(b) Chartam hanc ex Tabulario Palatino exhibemus. Add. Diarium Mscpt. ad vitam Ruperti Regis Rom.

(c) WINDECK *Histor. Sigismundi Imp.* Cap. 13. apud MENCKEN Tomo I. scriptor.

(d) BERTHOLET *Histoire du Duché de Luxembourg* Tom. VII. pag. 160. &

tharingiae Duce, aliisque principibus Luxemburgum comitatus est. (e)

Ludovicus cum Bernardo foedus contra Rupertum initit; Bernardo privilegia, a Wenceslao collata, retinere, Ludovico, Mediolanensem Ducatum Johanni Galeacio, fucero suo, conservare cupientibus. Conventum, ut Ludovicus copias adduceret Marchioni, quibus Rupertum Palatinum, tum Imperatorem, aggrederentur. (f) Ludovicus annuam bis mille aureorum (g) pensionem Marchioni ad dies vitae promisit. (h) Errant, qui Marchionem Ludovici vasallum fuisse scribunt. (i) Prodigus Princeps, Carolo VI. Galliae Rege mente capto, perpetuis cum Burgundiae Duce turbis ob regimen implicitus, Germanicis rebus se haud diu immisicit.

L 3

190. SAN MARTHANI fratres hist. genealog. de la Maison de France Tom. I. pag. 574. & Auctor Anonymus histor. Caroli VI. pag. 452. Ludovicus Gubernatorem Ducatus Luxemb. se vocat in Chartis apud BERTHOLETUM. Add. BROWERUS Annal. Trevir. Tom. II. pag. 251.

(e) REMBOLDUS SLECHT, Canonicus Argent. D. Petri Jun. in Chron. Mscpt. ad A. 1402. Chronicum hoc dabimus inter Scriptores Rerum Alsatiar. Add. Auctor histor. Caroli VI. loc. alleg.

(f) REMBOLDUS SLECHT loc. alleg.

(g) Pistolet.

(h) Tabular. Bada-Badense.

(i) WENCKER. in Apparatu Archiv. pag. 294. & in Collectan. Archiv. pag. 405.

Bellum
cum Ru-
perto
Imp.

§. XX.

Cæsar, post infelicem Italicam expeditionem in Germaniam redux, repetitis mandatis Marchioni injunxit, ut a sociate cum Aurelianensium Duce discederet, atque vecigalia abrogaret ad Rhenum Bernhardus, datis ad Rupertum literis, de singulari in eum studio multa præfatus, adversus Imperatorem vel Imperium se nihil machinatum, Aurelianensium Duci vero fidem, salvo semper & excepto Germaniæ Rege, se obstrinxisse ostendit, eaque de re ad Electorum Principumque provocavit judicium. De cetero Cæsarem ad amicum Bruchsaliae Martio mense invitavit colloquium. Missi ab utraque parte conciliatores; qui cum re infecta discessissent, Rupertus vicinos Principes adversus Marchionem concitavit in bellum.

Ipse irruptione in inferiorem Marchionatum facta, Mühlbergam obsidione cinxit. Advocatus autem Imperii per Alsatiam, adjunctis sibi Argentinensi Episcopo & Lichtenbergæ Dynasta, superiorem Marchionatum aggressus est. Wirtembergæ Comes terras sibi propiores bello vastavit. Bafilienses cum Civitatibus Imperii Alsaticis (k) & Rapoltsteinensi Dynasta, Ge-

(k) Literas Argentinensem hæc super re ad civitatem Metensem exhibet WENCKERUS in *Colleclaneis Archiv.* pag. 405. add. *Trithem. Chron. Hirsaug.* ad A. 1402.

mariam in potestatem suam redegerunt. Staffordia quoque, Muckensturm, aliaque castra a foederatis occupata. Monasterium Albæ Dominorum in bello hoc flammis deletum. Ruper-tus mense Mayo A. 1403. Abbati & Conventui Albæ Dominorum injunxit, ut muris, turribus & fossa monasterium cinge-rent. (l)

§. XXI.

Paulo ante Bernhardus, Friderici Coloniensis Archiepi-scopi, Friderici Episcopi Ultrajectini & Simonis Spanheimensis Co-mitis opera, cum Cæfare redierat in gratiam, resque Wormatiæ (m) fuerat transacta: Cæsar omnia Bernhardi jura atqué pri-vilegia novo firmaret diplomate, ejusque filiabus jus succedendi defectu filiorum tribueret: (n) Staffordiae castrum Cæsar redde-ret Marchioni, qui damno Cæsari id non futurum fuis caverat li-teris: (o) dimidia Gemariæ pars ad Marchionem rediret, isque pacem Castrensem cum Maximino, Rapoltsteinensi Dynasta, jura-ret: de vectigalibus ad Rhenum; de Monasterio Albæ Femina-rum, ex sententia trium Rhenensium Electorum Cæsar statueret: posseßsio vectigalium interea conservaretur Marchioni.

Trans-
actio
cum eo-
dem.

(l) BESOLDUS monument. Wirtemb. pag. 171.

(m) Die Saturni post Walpurgis. Sententiam hanc arbitralem ex Tabulario Palatino exhibemus.

(n) Duo hæc diplomata eodem die Marchioni tradita fuerunt.

(o) Literæ hæc, uti & priora diplomata in Electorali Tabulario Palatino servantur.

Vix transactio hæc fuerat inita, quum novæ Cæfarem inter & Marchionem lites orirentur, super quas D. Martini festo compromissum in arbitros, quibus Castrensis quoque Gemariæ Pacis, inter Marchionem & Rapoltsteinensem Dynastam tractandæ, delata est cura. Reinhardo Sickingensi, Advocato provinciali Alsatiæ, commissa Gemariæ divisio; at reluendi jus Dynastæ Rapoltsteinensi servatum. (p) Ita inter Cæfarem & Marchionem restituta concordia, brevi duratura.

Privilie-gium fo-ri.

Cæsar A. 1404. privilegium fori vasallis & subditis Bernhardi Marchionis concessit, ne ad alia, quam ejus judicia, excepto denegatæ justitiæ casu, traherentur. (q)

Eodem anno Bernhardum inter & Goldelinum quendam exortæ sunt lites, quibus componendis Imperator Fridericum Schenckium, Limburgensem Dynastam, arbitrum nominavit. Bernhardus literas, a Goldelino productas, falsitatis arguit. Limburgensis, rei difficultatem sentiens, eam ad Imperatoris cognitionem remisit; qui sententia hoc anno die Martis post festum Pentecostes data, literas illas suspectas, adversus Marchionem nunquam allegandas, rejicit. (r)

§. XXII.

(p) Transactio in Electorali Tabulario Palatino extat;

(q) Charta hæc in eodem Tabulario servatur.

(r) WENCKER. *Collect. Archivi* pag. 157.

§. XXII.

Insequenti tempore Bernhardus in novas cum Ruperto Imperatore incidit lites, concitante Moguntino Electore, multis ex causis Imperatori infenso. Occasio hinc nata fœderi, quod Iohannes Moguntinus, Bernhardus Marchio, Eberhardus Wirtembergæ Comes, cum Civitate Argentiniensi & plerisque Sueviæ Civitatibus in quinquennium iniverunt Marbaci, die S. Crucis A. 1405. (s)

Fœdus
Marba-
cense
contra
Ruper-
tum Imp.

Fœderi Moguntia, Spira, Wormatia (t) aliæque Civitates accesserunt & socii. Exceptus quidem in fœdere Rupertus Imperator, sed addita conditione, ut fœderatorum jura conservaret, neque in terris hominibus aut bonis ullo modo eis damnum inferret. Quodsi violaretur conditio, adversus Regem ceterosque omnes, fœdere non comprehensos, opem si bi invicem socii & auxilium promiserunt. Bernhardus sex hastiferos se missurum promisit; sed Ludovicum, Johannem, Stephanum & Ottонem, Palatinos Comites, speciatim exceptit. Ipse cum Moguntino Electore & Wirtembergico Comite, literis Marbaci datis, de fœdere ejusque conditionibus Cæsarem reddidit certiorem. (u)

Tom. II.

M

(s) Tabulas fœderis exhibet LEHMANNUS Lib. VII. Cap. 75. pag. 780.

(t) IDEM L cit. & Archiv. Argent.

(u) WENCKER, in Apparat. Archiv. pag. 286.

§. XXIII.

Cæfaris
de eo dis-
solvendo
confilia.

Rupertus timens, ne fœderati ad Regis depositi partes reverterentur, dissolvendo, quod sine ipsius consensu initum, fœderi, Moguntiam in diem undecim mille virginum A. 1405. conventum indixit; (x) ad quem speciatim Moguntinum Electorem & cum Bernardo Marchione Wirtenbergicum Comitem, ceterosque fœderis focios, evocavit. Per nuncios modo comparuerunt fœderati. Rupertus ergo consilio cum proceribus, qui conveinerant, habito, ad alium diem fœderatos Moguntiam in festum Epiphaniæ A. 1446. convocavit, ubi ipsos coram adesse jussit, ut de negotiis Imperii cum illis conferret, eorumque gravamina dilueret. Imperatori a fœderatis nunciatum, nihil se habere, quod in Comitiis de Rege querantur. Particulares, quæ singulis cum eo intercederent, controversias, non in conventibus publicis, sed in privatis tractandas. Marbacense autem fœdus, neque Imperatori neque Imperio adversum; sed publicæ tranquillitati servandæ a Principibus & Civitatibus initum, frustra impugnari. Imperator tamen Principes in Comitiis præsentes esse volebat; certos eos esse jubens, omnia in illis amice tractanda. Principes denique ad proximum conventum, Moguntiæ habendum, venturos se polliciti sunt.

(x) Conf. Anbringen Kayser Ruprechts Abgesandten bey den Reichsstädten von wegen des Marbachischen Bunds apud WENCKER. loc. cit. pag. 276. sqq.

§. XXIV.

Constituto die, praeter Marbacenses socios, (*y*) frequen-
tes aderant Principes & Civitatum legati. Imperator inter alia
de Moguntino, de Marchione Badensi & Wirtembergico Comite,
multum conquestus est, quod in literis, ad eum datis, violato-
rum jurium privilegiorumque eum incusassent. Petiit, ut
exponerentur gravamina, paratum se publice ad ea responde-
re, ut omnes, injuriam sibi fieri, intelligant. Foedus autem, in-
ter Civitates & Principes, ut aboleretur, pertendit. Fœderati, non
discessuri a fœdere, neque de litibus cum Imperatore in Comitiis
disputaturi, in sententia persisterunt. Denique Moguntinus Præ-
fulus & Marchio Bernhardus, longam seriem gravaminum adversus
Regem exhibuerunt, ad quæ ille in pleno ordinum confessu re-
spondit, & sua quoque contra Moguntinum & Badensem gravami-
na protulit, (*z*) voluitque, ut omnia in proximis Comitiis

Conven-
tus Mo-
gunt. in-
ter Cœfa-
rem &
fœdera-
tos.

Tom. II.

M 2

(*y*) Archiepiscopus Moguntinus, Marchio Badensis, Wirtembergiæ Comes,
& fœderatarum quarundam Civitatum legati ad conventum hunc cum
octingentis equis venerunt. vid. REMBOLDUS SLECHT ad A. 1406.

(*z*) Mutuae hæc inter Cœarem & Bernhardum querelæ de Rheni vœtigalibus,
de monasteriis Herrenalb, Frauentalb, Herde, Bure, Marienthal, eorumque
juribus, de hominibus propriis, aliisque minoris momenti negotiis, indi-
cantur in Compromisso Cœaris & Marchionis in Fridericum Colon. Ar-
chiepisc. quod ex Tabulario Palatino exhibemus ad A. 1407.

BERNH.I.

Principum componerentur arbitrio. (a) Repudiata a fœderatis conditio, quibus Cæfaris suspecta fuit in Comitiis auctoritas; unde Principes discesserunt Moguntia. Quin & alii duo Conventus, Spiræ & Andernaci eodem anno habiti, caruerunt effectu. (b)

Mutua hæc Cæsarem inter & Principes odia non impedi-
verunt, quo minus Bernhardo Marchioni, literis datis, permitteret,
ut Annæ Oettingensi, conjugi suæ, in terris Marchicis dotalitium
constitueret. (c)

§. XXV.

Cæfaris
cum Mar-
chione
trans-
actio.

Dubiis his rebus Cæsar fœderatas tentatus Civitates,
A. 1407. Ulmam misit legatos, qui eas a Principum abducerent
fœdere, & in suas pertraherent partes. Nihilominus in dies au-
cta fuit Principum & Civitatum confederatio. Lites tamen Bern-
hardi nostri cum Cæsare A. 1407. Friderici Colonensis arbitrio
terminatæ sunt, ac in fœdus cum Ruperto conversæ. Inter alia sta-
tutum, Albæ Dominorum monasterii bona & jura ut relinquen-
tur intacta. (d) Confirmatae quoque tum literæ debiti mille mar-

(a) WENCKERUS pag. 285. Catalogum Principum exhibet, quibus causæ
hujus cognitio ab Imperatore committebatur.

(b) REMBOLDUS SLECHT ad A. 1406.

(c) Extat Diploma in Tabulario Palatino.

(d) Conf. literæ Ruperti Imp. ad Abbatem & Conventum monasterii Albæ
Dominorum A. 1408. die S. Petri ad Cathedram datæ apud BE SOLDUM
Monum. Wirtemb. pag. 171.

carum argenti, a Carolo IV. Imperatore, propter præstata officia & damna perpetra, Rudolpho quondam Marchioni in Selzense vetigal concessæ. Addita conditio, ne vivo Ruperto exigeretur pecunia. (e)

Nemo ergo mirabitur, Cæsarem in fœdere, quod ipse & Ludovicus, Comes Palatinus, cum Argentinensibus aliisque Civitatibus Alfaticis A. 1408. contra hostes pepigerant, excepsisse Bernhardum; (f) qui cum Ruperti filiis quoque vixit amice. Otto, Palatinus Comes, in pactione cum Eslingenibus A. 1418. inita, Bernhardum exceptit, (g) quod simili in casu ante decennium quoque fecerat Rupertus.

§. XXVI.

In Marbacensi fœdere tamen Marchio perfstit. Ille enim Bellum cum Johanne Moguntino, Eberhardo Wirtembergico, & Civitatibus sociis, ob damna quædam illata, Friderico, Austriae Duci, bellum indixit; (h) quo durante, pleraque Marchionatus Burgoiensis Castra occupavit Bernhardus. Nec silentio transeundum,

M 3

(e) Literæ hac super re confectæ in Tabulario Elec^t. Palatino servantur.

(f) WENCKE R. Continuat. de Uffnurgeris pag. 17.

(g) DATT de pace publica Lib. I. Cap. 12. pag. 86.

(h) HERZOG. Chrou. Alfæt. Lib. VIII. Cap. 28. pag. 135.

quod intuitu Hohenbergensis Austriacæ ditionis, cum Ruperto Imperatore tum iniverit inducias. (i)

Res denique A. 1410. Wirtembergici Comitis & Nobilium Sancti Georgii societatis interventu composita est, ut Bernhardus, acceptis pro sumtibus belli 18000. florenis, loca occupata, una cum captivis, restitueret Austria; qui Civitatibus magnam pecuniaæ summam pro illatis damnis promisit; quam cum non habuisset paratam, Hohenbergæ Dynastiam Civitatibus oppigneravit, quæ ab Alberto, Austriae Duce, A. 1451. Austriae denuo terris adjecta. (k)

Iter
Marchio-
nis Lute-
tianum Pa-
risiorum.

Inter hæc Amedeus, Saræpontis Comes, Commercii Dominus, in bello contra Comitem Sarwerdæ, A. 1409. multos inter Nobiles, Ludemannum quoque, Lichtenbergæ Dynastam, Bernhardi nostri generum, captivum abduxit. Libertati hunc ut restitueret sacer, cum Ludovico Palatino & Episcopo Argentiniæ Metas primum, inde Lutetiam Parisiorum profectus est, inter-

(i) Charta Heilbronnæ feria 6. ante Dominicam Palmar. data, in Tabulario Palatino servatur. Elisabetha Ruperti Imp. filia, Friderico Austriaco fuerat nupta. Rupertus filiæ defunctæ heres, jus habebat in Dynastiam Hohenberg, ratione donationis propter nuptias & sponsalitiae largitatis; que filiæ debebatur.

(k) FUGGER *Oesterreichischer Ehrenspiegel* Lib. IV. Cap. 3. pag. 411. & Lib. V. Cap. 10. p. 617. & BURGEMEISTER *Thesaurus Juris Equestris* Tom. I. pag. 516. ubi tamen nonnisi 7074. flor. Marchioni obtigisse prescribit.

veniente Carolo VI. Rege, ut liberarentur captivi. Res denique Cardinalis Barrensis interventu composita. Captivi, ingenti lytro soluto, liberati. (l)

§. XXVII.

Cæsare Ruperto, inter turbas has mortuo, (m) Marba- Electio
cense concidit foedus. (n) Successorem Ruperto Electores qui- Sigis-
dam substituere Jodocum; quo paucos quoque post menses mor- mundi
tu, novam electionem A. 1411. Francofurti Archi - Princi- Imp.
pes suscepérunt.

Bernhardus noster cum Ernesto, Comite Palatino Rheni
Duceque Bavariae, & Johanne, Norimb. Burggravio, Wenceslai,
Bohemiae Regis, vices peregit, (o) atque cum ceteris Electoribus

(l) REMBOLDUS SLECHT in *Chron.* ad A. 1409. & CALMET Notice de la Lorraine Tom. I. Art. Commercy pag. 258.

(m) A. 1410.

(n) WENCKERUS pag. 289.

(o) Conf. Literæ Wenceslai ad Johannem Moguntinum & Fridericum Coloniensem Archiepiscopum, die Saturni ante festum Trinitatis, A. 1411. scri-
ptæ apud GUDENUM Cod. Diplom. Mog. Tom. IV. pag. 85. ex quibus
apparet, Wenceslaum Regem Præfulum horum literis inductum sibi per-
suasisse, fore, ut in nova eleccióne, ipsius iterum ratio habeatur. Scri-
bit enim: „Eure Brieve und Botschaft han Wir wol
„verstanden, und die williclichen ufgenommen, und auch uß den
„nit anders erkennt, dann dass Ir unser Erhebunge und Wirdigunge
„des Heil. Röm. Reichs meinet und wollet. „

Sigismundi electionem Statibus Imperii & speciatim Argentinensibus die 21. Julii significavit. (p)

Eodem anno Hornekio ab Hornberg & sociis arma intulit Bernhardus. Argentinenses debita ei ex fœdere cum negassent auxilia, civium quorundam illius urbis bona, jure naufragii, a quo Argentinenses Cæfarum privilegio immunes sunt, Beinhemii occupavit, aliaque illis intulit dama. Rudolphus Hachberga Sausenbergicus Marchio partium consensu electus est arbiter, qui ex æquo & bono litem decidit. (q)

§. XXVIII.

Bellum
Lothar.

A. 1412. Barrensis Dux Caroli Lotharingiae Ducis, vicini fui, terras invasit. Bernhardus, pro Lotharingo stans, confilio suo impedivit & manu, in pugna ne fugerent Lotharingi. Et tamen de Germanorum virtute contemptim locuti sunt Barrenses. Bernhardus ad eos misit fecalem, qui ad singulare eos invitaret certamen, addita conditione, ut Dominus contra Dominum,

servus

(p) WENCKER. *Apparatus Archiv.* pag. 307.

(q) Instrumentum, quo Rudolfi arbitrio hæc controversia delata est die Veneris post festum nativitatis Mariæ A. 1411. datum, in Tabulario Argent. servatur.

servus contra servum, & calo contra calonem pugnaret. Dif-
fidatio facta est; pugna tamen non habuit locum. (r)

A. 1414. Bernhardus una cum Bavariæ & Lotharingiæ
Ducibus & Marchione Rœtelenſi aliisque Principibus, Sigismund
Imperatorem Argentinam fecutus est. (s) Idem anni in-
ſequentiſ initio, cum Johanne Moguntino & quingentis equis,
Conciliū viſendi gratia, Constantiam acceſſit. (t) Ibi Johannes
XXIII. Pontifex, fugam meditatus, Bernhardum ſibi devin-
eturus Marchionem, diplomate IV. Kal. Febr. dato, ſummam fe-
decim millium florenorum auri de camera, ex proventibus Apo-
ſtolicis, per Moguntinam, Trevirenſem & Colonienſem diocēſes,
præmiī loco ei affiſſavit, *quod nubiloſo ſchismatis tempore ma-*
gna propriæ personæ ſuæ pericula & rerum diſpendia, nec non
expenſarum onera, pro Pontifice & Romana Eccleſia diuerſimode
ſpontanee ſubierit. (u) Pontifex denique, mense Martio, a Fri-

Concil.
Conſtant.

Tom. II.

N

(r) In hoc bello Bernhardus Bleſenſem illum cepit Dynaſtam, (Seigneur de
Blois) de quo redimendo Henricum, Angliæ Regem, cum Marchione no-
stro traſtaſſe ſcribit RAPIN THOYRAS *Histoire d'Angleterre* Tom. III.
Liv. XI. pag. 506.

(s) KOENIGSHOV. Cap. 3. §. 236.

(t) REMBOLD SLECHT Mſcp. ad A. 1415. HERZOG. *Chron. Alſat.*
Lib. V. pag. 281. HERMANN. VON DER HARDT *Acta Conc. Conſl.*
Tom. V. Part. VII. pag. 33.

(u) Diploma exhibet HARDTIUS loco citato Tom. II. Part. IX.

BERNH.I.

derico Austriae Duce, adjutus, cum fugisset Constantia, Sigismundus Imperator in Concilio Fridericum A. 1415. mense Aprili proscriptis, atque vicinos ejus, speciatim Helvetios, terras ejus ut invaderent, invitavit. (x)

§. XXIX.

Præfetura Civitatum Brisgoviae.

Tum vero Brisacum, Friburgum, Neuenburgum, Endinga, Kentzinga, Austriacæ Civitates Brisgoviae, cum adjacentibus vicis & terris, in potestatem Imperatoris venerunt. Hic Praefecturam earum detulit Marchioni Bernhardo, qui ipse in Brisgovia potens terrarum, ultra decennium eam fortiter & prudenter administravit. (y)

Austrius quidem intercessione præsertim Ludovici, Bavariæ Ducis, & Friderici, Burggravii Noribergæ, eodem A. 1415. fuit reconciliatus cum Cæsare, in cuius manus terras suas resignaverat omnes. At A. 1416. iterum Constantia profugus, a Sigismundo iterum proscriptus est; nonnisi A. 1418. denuo reci-

pag. 148. sed nomen Marchionis male scribens, Bernhardi loco, nomen posuit Burchardi.

(x) Literæ Sigismundi, mense Mayo A. 1415. datæ, extant apud HARDIUM Tom. IV. Part. I. pag. 162. & in Oesterreichischer Beantwortung der dem Chur-Hauß Bayern zuflehdenden Erbfolg zweyten Absatz §. 9. pag. 67.

(y) ALSAT. ILLUSTR. Tom. II. pag. 597.

piendus in gratiam, Martino V. Papa promovente. (z) Sigismundus enim d. 4. Jun. A. 1418. (a) Bernhardo mandaverat, Brisgovicas Civitates jurejurando, quod Cæsari & Imperio præstiterant, ut liberaret, ac præscriptis conditionibus restitueret Friderico; simul tamen ei injunctum, ne Civitatibus, ad Friderici obsequium redire recusantibus, vim ullam inferret; quoniam pacis formula caustum, ut Civitatibus liberum esset, in Cæsaris & Imperii fide manere. Causa hæc, ob quam in Cæsarea Præfectura Brisgoviae, ad initium A. 1426. usque perficit Bernhardus. (b) Finitis fa-

Tom. II.

N 2

(z) Diploma 12. Maji A. 1418. datum exhibet TSCHUDIUS *Chron. Helvet.*
Part. II. Lib. IX. pag. 97. HARDIUS Tom. IV. pag. 1581.

(a) Literæ hæc extant in *Oesterreichischer Beantwortung &c.* loc. alleg.

(b) Sigismundus in literis ad Bernhardum nostrum, A. 1422. datis, apud WENCKER. *Continuat. de Uffburgeris* pag. 68. de Civitatibus Brisgoviae, tanquam liberis Imperii Civitatibus loquitur, earumque Præfectum appellat eundem. In harum Civitatum cum Alfaticis & cum Ludovico Latino pactione A. 1423. hæc leguntur: „So nement wir die obge-
„nannte Stette im Brissgowe infunders usf unsre gnedige herrschaft
„von Oesterrich mit sollichen fürworten und Gedinge, ob wir alle,
„oder unser Stette deheine wieder zu derselben unser gnedigen herr-
„schaft von Oesterrich handen komment, und Inen gehuldet und ge-
„schwerent, alsdann sollent sie usgenomēn fin, so verr unser jegli-
„che statt unter uns das berüret und anders nit. Wir nement auch

BERNH.I.

ne hoc anno, Sigismundum inter & Fridericum difficultatibus, Bernhardus, novo Cæsaris mandato Januarii mensis, (c) a jure jurando, quo Imperio fuerant obstrictæ, Civitates absolvit, atque ad Friderici Austriaci imperium eas jussit reverti; qui per Eberhardum Kirchbergum & Guilielmum Montfortium eas paulo post in fidem recepit. (d)

§. XXX.

Acquisi-
tio Mar-
chiona-
tus Hach-
berg.

Inter hæc Bernhardus A. 1415. die Sancti Jacobi Hachbergam & Hohingam, Usenbergicum Castrum (e) prope Brifacum, ab Ottone III. Hachberga-Hachbergensium Marchionum postremo, pro 80. mille Rheni florenis emit. (f) Pro simili summa a Sigismundo, Austriæ Duce, Alsatiæ & Brisgoviam Austriacam A. 1469. relutionis pacto coëmit Carolus Burgundiæ Dux; cuius nomine Rudolphus Saufenberga-Rœtelanus

„ uſſ unſer herrn den landvogt, fo verr das das Riche antreffend iſt
 „ ane Geverde. vid. infra ad A. 1423.

(c) Sigismundi & Bernhardi literas vide in *Oefterreich. Beantwort.* pag. 68.(d) ROO *Historia Austr.* pag. 165. & FUGGER *Oefterreichischer Ehrenspiegel* Lib. IV. Cap. 7. pag. 445.(e) *Unſere Herſchafe ganz zu Hochberg und zu Hohingen.* Castro Usenbergæ deſtructo, Dynastia Usenbergica appellari cœpit Dynastia Hohingæ, quod Caſtrum hoc Dynastæ caput evaſit.

(f) Præter hanc ſummam folutam, folvit etiam Bernhardus debita Ottonis.

Marchio, terras has in fidem recepit. (g) Rudolphus hic Marchionatus Hachbergici emtionem recusaverat; consentiens, ut ab Ottone eum Bernhardus acquireret. (h) Quinquennio post Agatha, Hessonis Dynastæ in Usenberg filia, monasterii S. Margarethæ prope Waldkirch monialis, juri suo in Usenbergicam & Hœhingensem Dynastias, annua 30. florenorum pensione accepta, renunciavit. (i)

§. XXXI.

A. 1416. Bernhardus cum Archiepiscopo Moguntino venit Argentoratum, Episcopum inter & Civitatem Argentinensem compositurus litem, quæ jam eo devenerat, ut hujus urbis Senatus, communicatis cum Capitulo consiliis, Wilhelmum Episcopum, Molsheimi captum, in sua urbe custodiret; quod Ecclesiæ suæ bona dissiparet; speciatim, quod Praefecturam Ortenaviæ Episcopatui Argent. oppigneratam, Ruperto Palatino Electori vendiderat, quodque Tabernas Alsaticas Lotharingiæ Duci venditus credebatur. Marchio cum Praefule, re infecta discessit. (k)

Lites Argenti-nenium cum Episco-po.

N 3

(g) URSTISII Chron. Basil. Lib. VI. Cap. 4. pag. 433.

(h) Primus inter testes signavit Rudolphus Marchio Saufenbergæ.

(i) Vid. Documenta.

(k) Chron. Mscptum SEBASTIANI MUEGII pag. 85. & Paraleipomena Ursperg. pag. 283. add. WENCKER. de Ursburgeris pag. 223. sqq.

BERNH.I.

Ad Concilium Constantiense denique res fuit delata. (l) Argentinenes, a Patribus interdicto subiecti, Sigismundo Imperatori magno ære soluto, initaque cum Episcopo transactio amica, in Concilii gratiam redierunt.

§. XXXII.

Acta cum
Sigis-
mundo
Imp.

Imperatorem A. 1417. Constantiae invisi Bernhardus, ibi que erectionis Cliviae in Ducatum Diploma inter Principes signavit. (m)

Anno sequenti cum eodem Bernhardo Sigismundus de annua 2000. florenorum, & quotidiana, si extra terras suas pro Imperatore ageret, pensione convenit. Eodem anno Martinus V. Sigismundo permisit, ut ex Ecclesiis Imperii Germanici colligeret decimas. Bernhardus pro Imperatore eas in Constantiensi, Basiliensi, Argentiniensi, Spirensi, Moguntina, Tullenfi & Virodunensi Ecclesiis collegit. A. 1422. expensorum & acceptorum cum redderet rationem, expensorum pro Cæsare summa tredecim mille florenos superavit accepta.

§. XXXIII.

Marchio
Judec-
delega-

A. 1418. memorabilis illa Ludovicum inter, Landgravium Hassiae, & Buseckianae Vallis Ganerbios nobiles de superio-

(l) VON DER HARDT *Acta Concil. Constant.* Tom. IV. pag. 551.

(m) TESCHENMACHERI *Annales Cliviae Cod. Diplom.* pag. 81.

ritate controversia vertebatur. Hermanno, Ludovici Patri, Wenceslaus Romanorum Rex, Charta Francofurti A. 1398. data, hos Nobiles subjecerat. Paulo post (*n*) Betleriæ Literas suas ipse revocaverat Wenceslaus. Revocationem Sigismundus Romanorum Rex A. 1414. Spiræ (*o*) firmavit. Ludovicus Hassus tamen jus, quod habere se creditit, non destitit persequi. Sigismundus ergo rem omnem denuo Principum submisit judicio.

Delegatus a Cæsare judex Bernhardus die S. Petri indixit Judicium. Judices assessores fuerunt quatuor Ecclesiastici, Georgius Passaviensis Episcopus, Cancellarius Regis, Guilielmus Argentin. Episcopus, Johannes Weissenburgensis Abbas, Johannes Abbas Selsensis, & quatuor世俗的, Ludovicus, Comes Palatinus Rheni, Carolus Lotharingiae Dux, Otto Comes Palatinus Rheni, Bernhardus Saxonie Dux. Regis autem Advocatus fuerat Ludovicus, Comes Oetingæ.

Decretum unanimi sententia Judicum, Buseckianos Ganerios Imperatori sine medio subesse. (*p*)

(*n*) Die Mercurii post Omnium Sanctorum ejusdem anni.

(*o*) Die Veneris post D. Jacobum.

(*p*) Instrum. hujus Judicii extat in libro, cui Tit. *Memoriale der Hessischen Landschaft an die Reichsversammlung zu Regensburg A. 1707.* inter probations pag. 99.

§. XXXIV.

Bernhar-
di acta
varia.

Civitatem Colonensem, ob dissidia intestina, A. 1419. obſi-
dione quum cinxiffent Electores ad Rhenum, Bernhardi Marchio-
nis & Electoris Brandenburgici interventu tempeſtas ſedata
eſt. (q)

Redemptionem Zaringiae Caſtri Sigismundus Imp. cum
omnibus, quae ad id pertinerent, Bernhardo noſtro ſingulari di-
plomate, Wratislaviæ A. 1420. Dominica Lætare confeſſit; (r)
eodemque anno Bernhardus, paucis ante Pentecofte diebus, inter
Civitatem Argent. & Nobiles de Bulach, de Wangen, de Mülln-
heim, aliosque litem ſua ſententia decidit. (s)

Dynastiam Grævenſteinem, antiquiſſimum familiæ
Leiningenſis allodium, quod a Leiningenſibus titulo pignoris ad
Palatinos Electores, ab iisque ad Spanheimenſes pervenerat Co-
mites, a Johanne Spanheimenſi Comite tum coēmit Bernhardus,
ſalva Fridericianæ Leiningenſium lineæ reluendi poſteſtate. At
anno ſequenti eandem Dynastiam Emiconi Leiningenſi Comiti,
genero, oppigneravit pro 8000. flor. quos in dotem ei promi-
rat. (t)

§. XXXV.

(q) WINDECK *Hijtor. Sigismundi Imp.* Cap. 76.

(r) Vid. Documenta.

(s) Archiv. Argent.

(t) Archiv. Bada-Badense.

§. XXXV.

A. 1421. Duci Reinoldo de Urslingen (*u*) dimidiā par-
tem castrī & oppidi Gemar, pignus Rappoltsteinense, præstitæ
fidei operæque præmio ad dies vitæ concessit, ejusque in locum,
fi forte redimeretur, trecentos quotannis florenos se daturum
promisit. Reinoldus vicissim & Anna de Usenberg Bernhardo jus
fuum in Dynastiam Usenberg & castrum Hœhingen ejusque ditio-
nes reliquerunt; quin & vicos Bischoffingen, Brockingen alias-
que, ad Dynastiam Usenberg. pertinentes, eidem adscriperunt,
post ipsorum obitum occupandos. Reinoldus insuper jus apertu-
ræ in Hornberg aliisque castris suis Marchioni adversus hostes
ejus promisit; exceptis Sigismundo Imp. & Comite Sulzenfi, fal-
vaque pace castrensi Hornbergæ. Acta hæc omnia & corrobo-
rata Instrumentis Badæ die Dom. quæ *Invocavit* vocatur.
Triennio post die Saturni post S. Andreæ idem Reinoldus Dux,
Præfecturam castrī Hœhingen a Bernhardo Marchione adeptus,
cum conjugi sua Anna pacta priora confirmavit.

A. 1422. Sigismundus Imp. Bernhardo Marchioni com-
misit, ut tertium denarium in Germania a Judæis perciperet; ei-
demque speciale protectorum monasterii Schwarzach, contra

Tom. II.

O

(*u*) Reinoldus hic anno post, Comitis Zollerani socius, bellum Helvetis in-

BERNH.I.

Ludemannum, Lichtenbergæ Dominum, concessit Noribergæ. (x)

§. XXXVI.

Bernhar-
dus li-
tium ar-
biter.

Eodem anno diuturnis Wilhelmi Episcopi cum Civitate Argentinensi litibus sopiendis, Conradus Archiepiscopus Moguntinus & Bernhardus Marchio noster electi sunt arbitri. Res Spiræ tractata atque sententia Archiepiscopi & Marchionis, die Mercurii post Quasimodogeniti, decisa. (y) Dein paucis interjectis diebus, controversiae quoque inter Civitatem & Nobiles, qui jam A. 1419. ob varia gravamina Civitate exceperant, eorundem Principum interventu compositæ; (z) sed & utriusque auctoritate Wirichius ab Hohenberg Civitati reconciliatus, atque sublatis utrimque hostilitatibus, Wirichio sua jura reservata fuerunt. (a)

Eodem anno Bernhardus cum Stephano Palatino & Emcone Leiningensi Comite, Spirensibus, a Rhabano Episcopo ob-

tulit, sedens in castro Schiltach ad Nigram Silvam. Vid. TSCHUDIT
Chron. Helvet. Tom. II. pag. 70. & pag. 147.

(x) Exstat in *Ackenmäffiger Geschichts-Erzählung Schwarzbach* pag. 99. & 101.

(y) Instrument. extat in *Tabulario Argent.* unde illud depropmtit SEBAST.
MUEGIUS in *Cod. Mscpt. Arg.* pag. 109. ubi & alias transactiones exhibet,
inter Episcopum & Civitatem hoc tempore initas; add. WENCKER. de
Pfalzburgeris pag. 102.

(z) SCHILTER ad *Koenigshov.* pag. 878.

(a) Tabularium Argent.

seffis, in auxilium venire decreverat. Verum sublata mox, jussu Sigismundi Imp. obsidione, res ad Comitia Norimbergæ ejusdem anni delata. Bernhardus conciliandæ cum Episcopo Civitati operam dedit, compositisque controversiis, ipse ob itinera hinc inde suscepta, 6000. flor. impensarum nomine, a Spirenibus accepit. (b)

§. XXXVII.

A. 1423. (c) Bernhardus cum Emicone Leiningensi Co-
mite, genero, & Johanne Spanheimensi communionem eo fine ini-
vit, ut Dynastiam Grævensteinensem, quam Emiconi ante bien-
nium oppigneraverat Bernhardus, communi confilio & ope con-
tra quoscunque turbatores defenderent; at Friderico Leiningensi,
pignoris domino, relutionem concederent. Societas hæc inita
fuisse videtur contra Electorem Palatinum, qui de Dynastia hac
cum Spanheimensi Comite tum lites alebat. Res eodem an-
no (d) transacta, jusque aperturæ in Grævenstein. Ludovico
Electorri assertum; qua de re Bernhardus Marchio & Emico Lei-
ningensis Comes eidem literis caverunt. (e)

Acta in-
tuitu
Græven-
stein.

Tom. II.

O 2

(b) LEHMANNUS *Chron. Spir.* Lib. VII. Cap. 94. pag. 833.

(c) Die Martis post S. Martini.

(d) Die Veneris post S. Andreæ.

(e) Datae sunt hæc literæ die Martis post festum circumcisionis A. 1424. Extant,
ut & præcedentes, in Tabulario Bada-Badeni.

§. XXXVIII.

Lites
cum Ci-
vitatibus
Brisgo-
viæ.

Iisdem temporibus Bernhardo cum Civitatibus Friburgo, Brisaco, Endinga, quarum Praefectus ille nuper fuerat, (*f*) natae sunt lites.

Gravami-
na Bern-
hardi.

Intolerabile ei visum est, subditos ipsius Hachbergenses & Usenbergicos, civium Brisgoicorum ordini adscriptos, iisdem, quibus incolæ Civitatum, juribus gaudere, turbataque Principis jurisdictione, non modo in Civitatibus ob delicta conveniri, sed & ab iisdem ad servitia quedam adstringi; (*g*) in transactione licet, quam cum Civitatibus Brisgoicis Egon Friburgi Comes & Otto Marchio Hachbergensis, post intestinum bellum A. 1368. inierant, (*h*) prospectum, ut extranei, in territorio Principum constituti, cives dimitterentur ex urbibus, nemoque in posterum ab illis reciperetur civis, nisi Domini sui impetrato consensu. Bernhardus civibus his extraneis jus civitatis abrogari, eosque, qui in urbibus confederant, sibi tradi postulavit.

Querelæ
Civita-
tum.

§. XXXIX.

Civitates ad privilegia Imperatorum & ad antiquas Brisgoviae consuetudines provocabant; non adversari sibi dicentes pa-

(*f*) Vid. supra ad A. 1415.

(*g*) Gravamina Bernhardi cognoscuntur ex scripto, quod A. 1424. cum Principibus Imperii communicavit, apud WENCKER. in continuatione de Uffburgeris pag. 64.

(*h*) Transactionem hanc exhibet WENCKER. loc. alleg. pag. 71.

cta, cum Hachbergæ Marchionibus inita, civesque suos, in Hachbergensi Dynastia habitantes, nunquam inter homines proprios Hachbergenium habuisse locum. Sed in primis grave videbatur Civitatibus, Bernhardum, etiam post annale tempus, quod ejusmodi vindicationibus jure Germanico præfixum, jus fibi afferere in eos, qui in ipsis Civitatibus fortunarum sedem elegerant. Accessit & alia causa, quæ maxime Civitates angebat; nova nempe vectigalia, a Bernhardo per Brisgoviam passim & Mühlbergæ errecta; non Civitatibus modo, sed finitimis quoque onerofa.

Brisgovicæ ergo & Alsaticæ Civitates A. 1422. die Saturni post S. Michaelis, quinquennale contra Bernhardum foedus inierunt, (i) cui anno in sequenti, die Dominica post Jacobi, Ludovicus Comes Palatinus Rheni Alsatiæque Praefectus accessit. (k)

§. XL.

Sigismundus Imp. ad quem res fuit delata, Bernhardum & Civitates A. 1421. vocavit Nickelsburgum in Moravia, & anno sequenti Ratisbonam, denique Norimbergam. Quum autem, impedientibus Bohemiæ turbis, conventus hi locum non habuissent, amicæ compositionis via tentata est.

O 3

(i) Infrumentum hoc extat in Chartophylacio Argent.

(k) Novum instrumentum, quod tum confeatum est, in Tabulario quoque Argent. servatur:

amicis
conven-
tionibus
abruptis
bellum
geritur.

Colloquium Argentorati A. 1423. habitum, in quo Carolus Lotharingiae Dux (*l*) intercessoris munia gesit. De pluribus articulis, ex voluntate fere Bernhardi Marchionis, transactum. Res tamen ad finem non omnino perducta. Alius ergo Conventus Wormatiam indictus, ubi praesentibus Conrado Moguntino & Ottone Trevirensi Archi-Episcopis, denuo tractata controversia, sed irrito conatu.

Unde cum tres alii Conventus, sub initium A. 1424. Argentorati, Wormatiae, Moguntino & Trevirensi intercessoribus, habiti, quoque fuissent abrupti, res denique ad arma devenit; (*m*) Sigismundo Imperatore litigantes frustra hortante ad pacem. (*n*)

Pentecostali tempore A. 1424. Alsatiæ Brisgoviaeque Civitates cum Ludovico Palatino, Episcopo Spirensi & Wirtembergico Comite, aliisque belli sociis, irruptionem in Marchionatum fecerunt. Raftadium & plures vici combusti. Mühlbergæ & Grabæ Castra obfessa, non capta. Quum enim per tres septima-

(*l*) Hic tum etiam de controversiis, quas cum Civitate Argentinenfi habuerat, intercedente Bernardo Marchione, confocero, amice transegit. Literæ transactionis, die Veneris post S. Catharinæ A. 1423. datæ, in Tabulario Argent. servantur.

(*m*) Singula hæc narrantur in literis fœderatorum ad Imperatorem apud WENCKER. loc. alleg. p. 85.

(*n*) Extant hæc literæ apud WENCKER. loc. alleg. pag. 83. & 84.

nas durasset obsidio, intercedente Dieterico Archi-Episcopo Coloniensi, Johanne Herbipolitano Episcopo & Alberto Hohenloensi Comite, in castris ad Mühlbergam res transacta est. (o)

§. XLI.

Conditiones præcipuae:

1. Marchio omnia bello ablata, una cum redditibus perce- Trans-
ptis, Civitatibus restituat. aëtio
cum Ci-
vitatibus.
2. Liber commeatus ex unius in alterius terras obtineat, ad normam transactionis, inter Egonem Comitem Friburgi & Civitates Brisgovicas initæ A. 1368. Marchioni tamen evictio competat hominum propriorum, a die, quo Hachberg. & Usenberg. Dynastias obtinuit.
3. Delicta, a subditis Civitatum in Marchionis ditionibus commissa luantur pecunia. Bona capite plexorum propter homicidia, in iisdem terris perpetrata, cognatis pro certa pecuniæ summa restituantur.
4. Actiones de bonis aut debitibus, in foro domicilii aut rei sitæ instituantur.

(o) Bellum hoc descripserunt URSTISIUS in *Chron. Basit.* Lib. IV. Cap. 24.

REMBOLDUS SLECHT. WENCKER. loc. alleg. pag. 64. SEBAST. MUNSTER *Cosmograph.* Lib. III. pag. 809. BERNHARD. HERZOOG. *Chron. Alsat.* Lib. VIII. Cap. 28. pag. 136.

5. Usburgeri Civitatum, in Dynastiis Hachberg. & Usenberg. sedentes, jura Civium amittant. Civitates subditos Marchicos in posterum non ut cives recipient.

6. Vectigalia, quae Marchio in Brisgovia a tempore acquisiti Hachbergici Marchionatus instituit, aboleantur.

7. Feuda, Cunemanno Bolfenhemio a Marchione ablata, intra anni spatium ei restituantur. Hachbergici & Usenbergici Vasalli a Paribus Curiae Hachberg. & Usenberg. judicentur.

8. Civitates per sexennium in quieta possessione vicorum Remfingen, Höchstat, Achkarn & Lüsselheim permaneant, quo finito cuiuslibet partis salva sint jura.

9. Vici Badenses Uringen, Eystatt, Baldingen & Malterdingen, quos homagio sibi Argentinenses obstrinxerant, Hermanno tradantur Sulzenfi Comiti, donec singulis pacis conditionibus satisfecerit Marchio. (p)

In specie
cum Ar-
genti-
nenibus.

Lites, quae civibus quibusdam Argentinæ Civitatis, de bonis naufragio occupatis, de vectigalibus in moneta, non recepta, exactis, aliisque de rebus cum Bernardo intercesserant, peculiari Principum quorundam arbitrio reservatae fuerunt. (q)

§. XLII.

(p) Transactio hæc extat in Archivo Bada - Durlacensi.

(q) Literæ, in agro Mühlbergenfi, die Lunæ post S. Petri & Pauli A. 1424. confectæ, Dieterici Colonensis Archiepiscopi, Iohannis Episcopi Würzburg. Alberti Hohenloëns Comitis atque Bernhardi nostri figilli signatae, in Tabulario Argent. servantur.

§. XLII.

A. 1425. Bernhardus memorabili transactio
hanne Spanheimensi Comite Beinhemii apud Alsatam inita, in Co-
mitatum Spanheimensem jus sibi acquisivit & posteris. Spanhe-
mii Comitum duæ lineæ, Cruzenacensis & Starckenburgensis
fuerunt. Illa citeriore Comitatum, qui proprie Spanheimen-
sis, hæc ulteriorem, (r) qui Starckenburgensis adpellatur, tenu-
runt. Ultimus lineæ prioris Comes, Simon IV. filiam heredem
reliquit Elisabetham, quæ Ruperto Imperatori, focero, & po-
stea (s) Ludovico Barbato, Electori Palatino, affini suo, quin-
tam partem Comitatus donavit, Johanne, Starckenburgicæ lineæ
postremo, consentiente. Quinta hæc pars Electoratui ab eo tem-
pore mansit conjuncta; reliquæ quatuor partes ad lineam Star-
ckenburgicam, solam superstitem, pervenerunt. Ex linea hac
Joannes Cœcus, Spanheimensium ultimus, A. 1437. defunctus,
jam A. 1415. testamentum condidit, quo Bernhardo Marchio-
ni Badensi & Friderico Veldentiae Comiti, amitarum suarum fi-

Trans-
actio
Beinhei-
mensis.

Tom. II.

P

(r) *Vordere und Hintere Graffchaft Spanheim. Conf. TRITHEMIUS in Chron.**Hirsau. ad A. 1411. qui tamen in rebus Spanheim. nonnulla tradit minus
exakte.*

(s) A. 1416. Literas traditionis exhibet TOLNERUS in Cod. Diplom. Palat.

num. 215.

liis (*t*) spem succedendi in terris suis fecit, eamque A. 1425.
Beinheimensi pactio firmavit. (*u*)

§. XLIII.

Leges
eius.

Pacti summa huc redit, ut Bernhardus Marchio & Fridericus, Veldentiae Comes, utrumque Spanhemii Comitatum indivisim tenerent, eorumque uterentur insignibus. Cruzenacum oppidum & Castra excipiuntur, quae in communione cum Ludovico Electore tum habuerat Johannes. Uterque Comitatus non nisi ad masculos, & quidem ad Bernhardi Marchionis & Friderici

(*t*) Amitæ hæ fuerunt Loretta & Mechtildis; quarum illa Henrico nupsérat, Veldentiae Comiti, mater Friderici; hæc Rudolpho Longo Marchioni matrimonio juncta, filium ex eo suscepserat Bernhardum. Amitarum harum patrem nonnulli vocant Henricum, alli Johannem. LUCAE Gravensaal p. 612. SPENER. Op. Herald. Part. spec. L.II. Cap.4. §.5. L.III. Cap.27. §.16. Johannem suisse patrem Mechtildis supra in Rudolpho Longo Marchione ostendimus.

(*u*) Tradunt Scriptores, Johannem Spanhemii Comitem, cum Henrico patruo & Simone fratre diffidia alentem, relicto Spanheimensi Comitatu, ad Rudolphum divertisse Badæ Marchionem, Mechtildis Spanheimensis maritum; a quo honorifice exceptus & paternæ ditioni post Henrici mortem restitutus, extincto Simone fratre, cum & ipse liberis careret, hoc successionis pactum, in grati animi testimonium, cum Bernardo, Rudolfi Badenfis filio, iniverit. TRITHEMIUS in Chron. Hirsaug. ad A. 1411. pag. 332. & SPENER ex Chron. Mscpt. Comitum Spanheim. l. cit. Lib. II. Cap. 4. §. 5.

Comitis nepotes, eorumque defectu, ad Wilhelmum, Hennebergæ Comitem, ejusque filium ac successores primogenitos transeant. Familiae heredes sibi mutuo succedant. Venditio Comitatuum & oppigneratio prohibita. Pax Castrensis inter heredes ineatur. Feuda communi nomine conferantur a Seniore familiae. Feuda vacua, communi consensu, vasallo novo concedantur.

Johannes Spanheimensis, Jacobum, Bernhardi filium, & Fridericum Veldentinum, ad communionem terrarum vivus admisit. Ludovico, Electori Palatino consentienti, Jacobus & Fridericus, partis ad eum spectantis securitatem, literis, Heidelbergæ A. 1428. datis, præstiterunt. (x)

§. XLIV.

Eodem anno Ludovicus Palatinus Comes & Civitates, Argentoratum, Basilea, Friburgum, Brisacum aliæque, inopinato Bernhardum aggressæ sunt bello. Mühlberga a fœderatis obsessa & capta. Sed vix abductis inde fœderatorum copiis, Marchio cum Wilhelmo, Argentinensi Episcopo & Ludovico Lichtenbergensi Comite, adversus Argentinenses fœdus initit, cui paulo post Lotharingiæ Dux & Stephanus Comes Palatinus cum Salmenfi

Bellum
cum Civi-
tatibus
ad Rhe-
num.

Tom. II.

P 2

(x) Literæ hæ extant apud LÜNIG Reichs-Archiv Part. Special. Contin. II.
IV. Abtheilung. IX. Absatz pag. 490.

BERNH.I.

& Bitensi accesserunt Comitibus. Bernhardus cum Lichtenbergæ Dynasta Rhenensem Argentinensium pontem occupavit mense hujus anni Septembri. Inde pulsus, Oberkircham, quam pignoris jure possidebant Argentinenses, quinque mensium spatio obsedit; re infecta denique redire coactus. Bellum hoc, post multa damna utrinque illata, A. 1429. Archiepiscopi Moguntini interventu compositum est Spiræ. (y)

§. XLV.

A. 1430. Rabanus, Spirensis Episcopus, bonis & iuribus Episcopatus a Marchione vim illatam conquestus, collecto siorum exercitu irrupit in Marchiam; Mühlbergenfis Castrum obfitioni pertinaciter insistens; donec intercessione Herbipolitani Episcopi discessum ab armis. (z)

Eodem anno Bernhardus literis Schwarzacensi monasterio ejusque Abbatii Conrado Schœnbergero Badæ datis, hominibus S. Petri, (S. Petersleuth) in judiciis vicisque monasterii sedentibus, omnia, quæ hucusque ei præstiterant, servitia remisit. (a)

§. XLVI.

(y) HERZOG *Chron. Alsat.* Lib. IV. pag. 109. & 110. & Lib. V. pag. 14.

(z) LEHMANN. *Chron. Spir.* Lib. VII. Cap. 94. pag. 833. SIMONIS *Episcopi Spirenses* pag. 150.

(a) Tabularium Schwarzacense.

§. XLVI.

Bernhardus præter Marchionatum Hachbergæ, quem, ut diximus, (b) Otto, lineæ Hachbergicæ senioris postremus, ei vendidit, aliis terris ac bonis Marchiam suam adauxit.

Accessio-
nes ter-
rarum &
jurium
sub Bern-
hardo
Marchio-
ne.

A. 1377. Gerhardus de Staffort, armiger, Bernhardo & Rudolpho fratribus homines suos proprios, in vico Lütolzhein aliquique in Marchionum ditione commorantes, exceptis tantum vicis Forcheim, Dafslan (Dachsland) & Specke, pro 15. Libris denariorum Argentinensium vendidit.

A. 1382. una cum fratre Rudolpho coëmit a Cunzio de Schmalenstein partem, quam habuit in Straubenthal, Langenalb, Tennach & Tobel, una cum curia in Nibelspach.

A. 1405. Hugo de Berneck, armiger, juri patronatus in Niefern, in gratiam Bernhardi renuntiavit.

A. 1407. Johannes de Wassenheim miles eidem Marchioni ejusque heredibus masculis, tradidit suam partem vicorum Wassenheim, Uberechlingen, Kraftetten, Frydeshein, Utelnhein, Hiltenhusen, redditus vini in Goffeln, balneum & decimas in Pfaffenhofen, Hattenmatte, Obenheim, Nükirch, curiam in Zabern & Mittelbrunn, ita ut Marchio, ejusque hæredes masculi, his omnibus uterentur. Loca hæc in Alsacia Inferiore sunt sita.

P 3

(b) Tom. I. pag. 374.

A. 1416. vicum Eystatt in Marchionatu Hachbergensi, pro
tribus florenorum millibus oppigneratum, à Casparo de Klingenberg
eiusque uxore Margaretha Maltereria Bernhardus rede-
mit. (c) Eodem anno idem Marchio a Reinhardo Hofwarth de
Kircheim partem vici Eysingen comparavit.

§. XLVIL

Accessio-
nes variae
& oppi-
gneratio-
nes.

A. 1422. Conradus Bernlappius, armiger, quartam ei par-
tem Castris Zaringensis, cum silvis, banno ferino, pratis, aquis,
aliisque juribus, ad hanc partem spectantibus, servata sibi altera
quarta, tradidit; ea conditione, ut ipse Marchio ejusque heredes
nobilem semper virum constituant, qui de pace Castrensi Zarin-
gæ servanda, fidem suam Conrado ejusque heredibus adstringat.
Conradus paulo post solennibus literis pacem hanc se servaturum
promisit. (d)

A. 1422. & 1426. Bernhardus varias partes in vicis
Wolfartsweyer, Sellingen & Berghausen; item maximam par-
tem Altensteigæ ab Hohenbergæ Comite acquisivit, quam dein
Uracensibus Comitibus oppigneravit.

Sigismundo Imperatori non semel magnas pecuniæ sum-
mas; quin & Wirtembergicis Comitibus 20. millia florenorum
mutuo dedit; Herrenbergiana in pignus accipiens.

(c) Tabularium Bada-Duri.

(d) Codex Diplom.

A Zolleranis Comitibus pro 3000. florenis ei oppignerata
Hechinga. Henrico, Herrenbergiae Comiti, similem fere sum-
mam, Maspachio in pignus recepto, commodavit.

§. XLVIII.

Obiit Bernhardus A. 1431. III. Non. Maji. Ætatis ejus in-
certi sunt anni. Tempus nativitatis Chartæ & monumenta occul-
tant. Patri A. 1372. mortuo per LIX. annos superstes, A. 1379.
fratris cum jam fuerit curator, necesse est, eum septuagenario
multo majorem obiisse.

Cum monasterio Cisterciensium Albæ Dominorum multis
licet litibus fuerit districtus, in Choro tamen Ecclesiæ eorum se-
pulcrale monumentum ei fuit exstructum; quod varias inter muta-
tiones ædis & monasterio destructo, tamen perstigit illæsum. Imag-
inem ejus loco suo repræsentamus lectori. Inscriptio diem & annum
mortis indicat, ætatem silentio transit. (e) En Inscriptionis ver-
ba: „Anno Domini MCCCCXXXI. Tercio mensis Maji obiit
„Illustris Princeps Bernhardus Marchio de Baden. „Monu-
menti hujus fide unanimi consensu credunt scriptores, Bernhar-
dum in Ecclesia Albæ Dominorum fuisse sepultum.

• **WOLFGANGUS DE ROTENBERG**, Collegiatæ Ba-
denfis Praepositus, haud ita pridem defunctus, in Dissertatione,

(e) SCHANNAT. in *Vindem. Literar. Collect.* I. pag. 152. Epitaphium exhibet,
sed iconem ejus non dedit.

BERNARDI.

quam manuscriptam reliquit, contendere conatur, Bernhardum in Ecclesia Parochiali Badae fuisse sepultum; at sub nepote ejus Carolo ad Dominos Albæ translatum. Evidem sepulturam ejus in Aede Badensi admitto, translationem rejicio. Aedis hujus in Ecclesiam Collegiatam conversio a Bernardo nostro jam fuerat decreta A. 1413. Petuit a Johanne XXIII. Pontifice consensum, quem etiam Bulla, ad Constantensem Episcopum scripta, obtinuit. Bellici tumultus confilii hujus complementum impeditiverunt.

Patris decreta sub Nicolao V. A. 1453 complevit Jacobus, ut suo loco docebitur. In Charta, quæ tum hac super rescripta, Missisque Pontificiis a Marchione tradita fuit die XI. Aprilis, haec verba leguntur: „ Cum felicis recordationis Illustris Principis Badensis, Bernardi, genitoris seu patris ipsius Jacobi, in ipsa Ecclesia Badeni sepulti &c. „ Bernhardi sepulturam in Ecclesia Badeni evidenter haec docent. Evidentius ipsae Monumenti sepulcralis reliquiae A. 1753. in eadem sub altari detectæ, ecclesiæ chorum novis ornamentis quum decoraret Ludovicus Georgius Marchio Badensis. ROTENBERGIUS, qui cum Collegis suis aliisque permultis sepulcri reliquias viderat, eas ita describit: „ Inventus est prægrandis lapis inversus; qui licet in frusta dissectus, manifeste & irrefragabiliter spectantibus exhibuit figuram equestrem Bernardi, ære fusam, cum „ in-

, inscriptione: „ Anno Domini M C C C C X X X I. Sabbato post
 „ inventionem Sanctæ Crucis obiit Illustris Princeps Bernardus
 „ Ba - - - t in pace. „ Notandum vero, quod huic la-
 „ pidi detractum fuerit æs omne fusum cum figura statuæ, scuti
 „ ac galeæ, ac circumscriptis literis, tamen ex incisura lapidis
 „ hæc omnia adhuc legenda & cognoscenda erant & curioso-
 „ rum inspectioni prostant. „

Ex narratis his ROTENBERGIUS colligit, ex Ecclesia Badensi in Albensem Dominorum translatum fuisse corpus Bernhardi; translationem sub Carolo nepote factam esse reputans. Verum enimvero, quæ causa inducere potuerat nepotem, Avi sui manes tam duriter ut tractaret; sepulcrale ut diffriingeret lapidem, quin & omnibus ornamentis æreque,, figuris literisque infuso, spoliaret. Barbara hæc violatio sepulcri, non translatio dicens. Verisimilior sententia est, Bernhardum in Parochiali Badensium Ecclesia voluisse sepeliri, quod illam ornandam decreverat, necquam ex ea fuisse ablatum. Sepulcri spoliatio illi temporis adscribenda, quo Bada omnis & Castrum, superiore seculo finiente, bellicis eversa furoribus. Supereft ergo, ut Mausoleum Albense Bernhardi Honorarium dicamus.

§. XLIX.

Princeps fuit egregius, inter potentes & bellicosos Germaniae Magnates sui seculi reputandus. Gloriosum ejus sexaginta

Chara-
cter.

annorum, sub quinque Imperatoribus regimen, quo sapientia, justitia, integritate, fortitudine mentis, nulli Principum facile secundus. Apud Sigismundum Imp. cuius electionem promoverat, tanta ejus fuit auctoritas, ut difficillima negotia ejus consilio expediret & manu. Bello incomparabilis, inter perpetuas illorum temporum turbas, quibus omnia vi & armis gerebantur, pacis tamen studiosus & sancte foedera colens. Unde nonnisi provocatus defendendisque suis juribus & sociis induit arma. Diffidia aliorum sua saepe intercessione composuit: officiosus in omnes. Rei intentus domesticæ, sed munificus, ut principem decet atque liberalis, Marchionatum, dignitate opibus & potentia auctum, posteris tradidit.

§. L.

Cancellaria & Curia.

Cancellariam & Curiam in meliorem ordinem rededit. Vasallos, Judiciis feudalibus ut frequentes interessent, graviter monuit.

Cancellario usus est Johanne de Brussella, quem in literis A. 1422. *Scribam* appellat, in cuius potestate fuerat Marchionis sigillum. Idem in Charta A. 1424. vocatur „Venerabilis „ Vir Dominus Johannes de Brussella, Protonotarius illustrissimi Principis ac Domini Bernhardi Marchionis de Baden. „ Cancellarii munere ergo fungebatur Johannes, nomen licet in Aula Badensi non fuerit in usu. Politica & civilia ab eo tractabantur negotia. Confiliarii tum nondum in Collegia distributi. Unde

inter primarios Aulæ ministeriales Cancellarius habebatur; non nisi Vicario Principis & Aulæ magistro provinciali (Landhofmeister) postpositus. Sub Christophoro Marchione Kieferus & Schriberus, (f) sub Ernesto Gutius; sub Carolo II. Achtsinitus, sive Amelius; sub filiis Caroli II. Breitenaker JurisConsulti Doctores *Cancellarii* nomine inclaruerunt. Postremis sub Marchionibus hæc dignitas quievit.

§. LI.

Sub eo Sigilla equestria in defuetudinem venerunt; at cera Sigilla rubra invaluit. Ecclesiastici Principes & Comites cera viridi sunt usi. Multi ex illis privilegio ceram rubram obtinuerunt. Seculi XVI. initio cera rubra apud Comites in usu.

Cæsares a Bernhardi hujus temporibus Marchiones Baden-fes appellarunt *Lieber Vetter oder Oheim*.

Hæc omnia in summam si colligas, haud difficulter perspicies, Bernhardum nec inter majores, nec inter posteros habuisse, quem ei compares, multo minus præponas.

§. LII.

Prima Bernhardi uxor fuit Margaretha, Rudolphi Comitis de Hohenberg filia, cuius mentio fit in Charta fœderis, a Ru-

Tom. II.

Q 2

(f) Wendel Schriber.

dolpho nostro cum Eberardo III Comite Wirtembergensi A. 1374. contracti, qua filia ejus Margaretha, Marchionissa Badensis, cum Wirtembergicis foedus continuare jubetur, si Rudolphus ante foederis exspirationem moriatur. (g)

Cum autem matrimonium hoc sterile esset, atque mortuo Bernhardi fratre Rudolpho, solus ille ex Domo superesset Badensi, divortium cum Margaretha meditatus est. Adiuit ergo Clementem VII. Papam Avenione A. 1392. judices petens, qui examinarent; annon matrimonium contra jura canonica fuerit initum. Verba Bullæ Clementis sunt, *quod consanguinitatis vel affinitatis impedimenta existent.* Conjugium, quod 18. annos duraverat, solutum. Bernhardus ad secundas progressus est nuptias, ducta uxore Anna, Ludovici Comitis Oetingæ filia, quanto consanguinitatis gradu ei juncta. Bonifacius IX. contra Clementem VII. Romæ electus, A. 1398. Bullam dispensationis ei transmisit. (h)

§. LIII.

Liberi. Ex Anna hac Bernhardus tres filios & septem filias procreavit. Inter filios:

(g) Charta foederis in Chartophylacio Wirtemberg. servatur. In fine ejus legitur. *Dass wann Graff Rudolph innerhalb dieses Ja'rs abstürbe, so soll unser liebe Dochter Frowe Margaret von Holemberg, Marggrevin zu Baden dis buntnuzz volle ußhalten in allen fachen.*

(h) Bulla utriusque Papæ in Chartophylacio Bada-Durlac. Basileæ servatur.

1. Jacobus, natus A. 1407. qui patri successit.
2. Bernhardus, quem Sigismundus Imp. literis Cassaviae datis A. 1423. despontit Eberhardi, Comitis Wirtembergici filiae, Cæsaris ex forore pronepti. Elisabetha Noribergæ Burggravia, Comitissa de Wirtemberg, sponsæ mater, consensit. (i) Sed princeps hic juvenis præmatura morte ante nuptias decepsit.

3. Rudolphus natus 14. Julii A. 1417. diem obiit supremum A. 1424. 1. Aug. (k)

Inter filias: 1. Anna, nata 15. Mart. 1398. nupta Ludovico Lichtenbergico A. 1409.

2. Beatrix, nata A. 1400. die Joh. Bapt. desponsata Emiconi Leiningæ Comiti, Instrumento Badæ confecto A. 1409. Beatrici in dotem octo millia flor. adscripta sunt. (l)

3. Mechtildis, nata A. 1401. d. XI Dec. † 1402. d. 18. Apr.

4. Margaretha, nata A. 1404. die Conversi Pauli A. 1412. desponsata fuit Adolpho, Nassoviæ Comiti, cum dote 8000. flor. renor. Adolphus ei pro vidualitio assignavit 16000. flor. Wisbada pro pignore data. Conventio hæc Wormatiæ scripta est.

5. Agnes, nata die Laetare 1408. desponsata Gerardo Duci Sleswic. A. 1432.

Q 3

(i) Instrumenta hæc extant in Tabulario Bada-Badenfi.

(k) OEFFELII *Scriptores Rerum Boicarum* Tom. II. pag. 587.

(l) Charta est in Tabulario Bada-Badenfi.

6. Ursula, (*m*) nata A. 1409. die Ven. ante Simon. Jud. desponsata I. Godefrido Comiti in Ziegenhayn A. 1422. cum dote 8000. flor. (*n*) II. Duci Teccensi, Ulrico Cæco A. 1426. † A. 1430.

7. Brigitta, nata A. 1416. die 1. Jan. vixit adhuc A. 1441. (*o*)

R U D O L P H U S V I I.

§. LIV.

RUD.VII. Rudolphus, Bernhardi frater, princeps quoque bellicofus, qui in turbis seculi X I V. finientis, bellicæ virtutis suæ varia specimina dedit. Vixit sub tutela Ruperti Palatini Electoris & dein fratris sui Bernhardi, qui A. 1379. suo & tutorio Rudolphi nomine foedus cum Civitatibus Sueviæ inivit. (*p*) Paulo post cum fratre terras partitus, (*q*) superiorem Marchionatum accepit; atque solenni pacto Heidelbergæ A. 1380. eodem cum fratre

(*m*) Errat CRUSIUS, qui in *Annal. Suev.* Tom. I. pag. 346. scribit, A. 1419. Ursulam obiisse Rudolphi March. Bad. filiam Ulrico Duci Teccensi matrimonio junctam. Ursula hæc fuit Bernhardi filia, & obiit demum A. 1430.

(*n*) Instrumentum in Tabulario Bada-Badensi supereft.

(*o*) Scheda Tabularii Bada-Durlac. liberorum Bernardi natales recenſet.

(*p*) Vide in Bernhardo I. p. 67.

(*q*) Ibidem p. 68